



শীতকালে ফিঞ্চ পালন করা নিয়ে জরুরি কিছু কথাঃ

By Nafis Sadik Dipto on Tuesday, November 3, 2015 at 12:28pm

১। আপনার পাখির ঘরের দরজা-জানালায় সামনা সামনি ফিঞ্চ এর খাচা রাখবেন না, তাহলে আর সরাসরি ঠান্ডা বাতাস লাগবে না।

২। যদি সম্ভব হয় প্রতিদিন অন্তত ১ ঘন্টা রোদ লাগান, সম্ভব না হলে সপ্তাহে একবার অবশ্যই।

৩। যেকোন ফিঞ্চ গোসল করতে খুবই পছন্দ করে, কিন্তু অসময়ে বিশেষ করে সন্ধ্যার পর যদি গোসল করে এবং পানি যদি একটু ঠান্ডা হয় তাহলে ঠান্ডা লাগা থেকে বাচানোর আর কোন উপায় নেই। তাই এক্ষেত্রে আমি বলবো পাখিকে দুপুরের দিকে অথবা রোদে দিয়ে তারপর গোসল এর জন্য বড় বাটিতে পানি দেন যাতে আপনি রোদ থেকে সরানোর আগেই ওরা নিজেদেরকে শুকিয়ে নিতে পারে।

৪। শীতকালে পানি দ্রুত ঠান্ডা হয়ে যায়, তাই দিনে অন্তত দুইবার পানি পাল্টে কুসুম গরম পানি দিবেন এবং রাতের বেলা পানির পট বের করে রাখবেন। পানির পট হিসেবে ড্রাম ব্যবহার করা ভালো কারণ এটি আপনি যখন খুশি খুলে রাখতে পারবেন এবং পানি পাল্টানোর সময় বারবার দরজা খোলার ঝামেলা পোহাতে হবে না, পাশাপাশি পাখি এতে পুন্সও করতে পারবে না ফলে পানি থাকবে পরিষ্কার।

৫। আর কোন পাখিকে দেন না দেন, ফিঞ্চ এর খাচার পাশে অবশ্যই একটি ১০০ ওয়াট এর বাল্ব দিবেন। এটি বিকাল থেকে অথবা সন্ধ্যা থেকে ঘুমানোর আগে পর্যন্ত জ্বালালেই হবে, তবে শৈত্যপ্রবাহ চলাকালীন ২৪ ঘন্টা জ্বালিয়ে রাখাই শ্রেয়।

৬। পাখিকে সপ্তাহে অন্তত একবার তুলসী দ্রবন এবং ACV খাওয়ান। এবং খাটি মধু থাকলে ১ লিটার পানির সাথে ৪ চা চামচ মিশিয়ে দিতে পারেন। এগুলো ঠান্ডা প্রতিরোধে যথেষ্ট সহায়ক।

৭। সীড মিক্সে তিশি ও গুজিতিলের মতো তৈলাক্ত খাবার এর পরিমাণ বাড়িয়ে দিন।

৮। শীতকালে প্রচুর শাকসবজি পাওয়া যায়, বিশেষ করে শাক জাতীয় খাদ্যগুলো আপনার ফিঞ্চ কে দিতে ভুলবেন না এবং সজনে পাতা ও নিম পাতাও নিয়মিত দিবেন।

৯। রাতের বেলা অবশ্যই মোটা কাপড় বা চট দিয়ে খাচা ঢেকে দিবেন। পাখি বারান্দায় থাকলে রাতটুকুর জন্য ঘরের ভেতরে আনা উত্তম। ১০। নেস্ট হিসেবে অবশ্যই ছোট ফাকযুক্ত বক্স অথবা হাড়ি ব্যবহার করবেন যাতে ভিতরে বাতাস না যায় এবং মা ও বাচ্চা ঠান্ডা থেকে সুরক্ষিত থাকে।

১১। দামি মিউটেশন এর ফিঞ্চ গুলোর ক্ষেত্রে রিস্ক এড়াতে ফস্টারিং করাই ভালো।

***পরিশেষে বলবো, যারা এখনো ফিন্স পোষেন নি এবং শীঘ্রই কেনার চিন্তা-ভাবনা করছেন তারা ভুল করেও
শীতকালে কিনবেন না।***

ধন্যবাদ

Written by Shanjid Islam Sharod

Edited by Nafis Sadik Dipto